

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 49. sjednici, održanoj dana 29.03.2016. godine d o n o s i

ZAKLJUČAK

I.

Prihvata se Izvještaj o radu JU Centar za djecu i odrasle osobe s posebnim potrebama Zeničko-dobojskog kantona za 2015. godinu.

II.

Izvještaj iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.

Datum, 29.03.2016. godine

Zenica

**PREMIJER
PO OVLAŠTENJU**

DOSTAVLJENO:

1x Ministarstvo za rad, socijalnu politiku i izbjeglice,
1x JU Centar za djecu i odrasle osobe s posebnim potrebama
Zeničko-dobojskog kantona (putem Ministarstva),
1x Stručna služba Skupštine,
1x a/a.

Himzo Smajić

O b r a z l o ž e n j e

U skladu sa Prijedlogom Programa rada Ministarstva za rad, socijalnu politiku i izbjeglice Zeničko-dobojskog kantona, broj: 09-34-17985-3/15, predviđeno je razmatranje Izvještaja o radu JU Centar za djecu i odrasle osobe s posebnim potrebama Zeničko-dobojskog kantona za 2015. godinu (u daljem tekstu: Ustanova).

U skladu sa članom 42. Zakona o ustanovama („Službeni list R BiH broj: 6/92, 8/93 i 13/94) i članom 2. Statuta, Ustanova je sačinila i dostavila Izvještaj o radu za 2015. godinu. Ovaj Izvještaja je usvojen od strane Upravnog odbora Odlukom, broj: 01-49-64/16 od 24.03.2016. godine.

Predlažemo Vladi Zeničko-dobojskog kantona da Izvještaj prihvati i isti uputi u skupštinsku proceduru.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU CENTAR ZA DJECU I ODRASLE OSOBE S POSEBNIM POTREBAMA

Broj: 01-49-89-1/16

Zenica, 24.03.2016.

**Izvještaj o radu
Javne ustanove Centar za djecu i odrasle osobe s posebnim potrebama
Zeničko-dobojskog kantona
za period januar-decembar 2015. godine**

Zenica, mart 2016. godine

Sadržaj:

1.Uvod	3
2.Organizacija rada u Ustanove	3
3. Struktura zaposlenih u Ustanovi	4
4. Korisnici usluga.....	4
5. Usluge Ustanove	5
6. Saradnja sa drugim ustanovama i stranim partnerima	6
7. Saradnja sa porodicama.....	7
8. Ostale djelatnosti-drugi oblici rada - organizacija novih poslovnih jedinica.....	7
8.1. Projektne aktivnosti.....	8
8.2. Organizacija rada Stručnih komisija za ocjenjivanje sposobnosti i razvrstavanje djece i mladih u fizičkom ili psihičkom razvoju.....	9
9. Finansiranje Ustanove	9
10. Upravljanje i rukovođenje u Ustanovi	12
10. Rezime.....	12

1.Uvod

Javna ustanova Centar za djecu i odrasle osobe s posebnim potrebama Zeničko-dobojskog kantona osnovana je Odlukom Skupštine Zeničko-dobojskog kantona, broj: 01-5-16268/14 od 18.08.2014. godine („Službene novine Zeničko-dobojskog kantona“, broj: 4/14, od 28.08.2014. godine).

Ustanova posluje pod nazivom Javna ustanova Centar za djecu i odrasle osobe s posebnim potrebama Zeničko-dobojskog kantona.

Skraćeni naziv Javne ustanove je: „Centar za osobe s posebnim potrebama“ (u daljem tekstu: Ustanova).

Ciljevi i zadaci Ustanove su:

- rano podsticanje razvoja i rana intervencija za djecu s posebnim potrebama predškolskog uzrasta,
- odgojno-obrazovni rad sa djecom i odraslim osobama s posebnim potrebama sa područja općina Zeničko-dobojskog kantona, s ciljem izgradnje ličnog identiteta, socijalne integracije, izgradnje kompetencija od životnog značaja, pripreme za život, a prema prilagođenom individualnom planu i programu,
- habilitacija i rehabilitacija, te podsticaj djece i mladih osoba s posebnim potrebama kroz individualne i grupne rehabilitacijske i podsticajne mjere,
- dnevno zbrinjavanje djece i odraslih osoba s posebnim potrebama,
- radno osposobljavanje i rehabilitacija odraslih osoba s posebnim potrebama sa područja općina Kantona,
- program podrške porodici kroz neposredni savjetodavni i edukacijski stručni rad.

Općinski sud u Zenici, u skladu sa članom 58. Zakona o registraciji poslovnih subjekata u Federaciji Bosne i Hercegovine („Službene novine Federacije Bosne i Hercegovine“, broj: 27/05, 68/05, 43/09 i 63/14), je donio Rješenje, broj: 043-0-reg-14-001101 od 15.10.2014. godine, o upisu u sudski registar Javne ustanove Centar za djecu i odrasle osobe s posebnim potrebama Zeničko-dobojskog kantona.

2.Organizacija rada u Ustanove

U Ustanovi, u skladu sa Pravilnikom o unutrašnjoj organizaciji i sistematizaciji radnih mjesta Javne ustanove Centar za djecu i odrasle osobe s posebnim potrebama Zeničko-dobojskog kanton, predviđene su četiri organizacione jedinice i to:

- Kabinet direktora,
- Odjeljenje za rano podsticanje razvoja i ranu intervenciju za djecu s posebnim potrebama,
- Odjeljenje za smještaj, ishranu, održavanje i usluge dnevnog centra,
- Odjeljenje za ekonomske, pravne i opće poslove.

U izvještajnom periodu rad Ustanove se zasnivao na djelatnosti Odjeljenja za rano podsticanje razvoja i ranu intervenciju za djecu s posebnim potrebama, gdje radi šest terapeuta.

Dnevni centar za djecu sa posebnim potrebama u Maglaju poslovao je kao ustanova, čiji je osnivač Udruženje “Humanost-societas humanitatis” Zenica, a Dnevni centar za djecu

i odrasle osobe sa posebnim potrebama u Visokom kao projektna aktivnost Udruženja “Humanost-societas humanitatis ” Zenica.

Ustanova može imati poslovne jedinice, koje će biti osnovane s ciljem obavljanja registrovane djelatnosti Ustanove na području grada Zenice i općina Zeničko-dobojskog kantona.

Odluku o osnivanju poslovnih jedinica donosi Upravni odbor Ustanove uz saglasnost Vlade Zeničko-dobojskog kantona.

3. Struktura zaposlenih u Ustanovi

U Ustanovi, na dan 31.12.2015. godine, je bilo 10 zaposlenih i to:

- Direktor
- Defektolog-logoped-koordinator Odjeljenja za rano podsticanje razvoja i ranu intervenciju za djecu s posebnim potrebama,
- Defektolog-oligofrenolog,
- Defektolog-logoped,
- Psiholog,
- Fizioterapeut,
- Edukator-rehabilitator (dva terapeuta),
- Referent za knjigovodstvo i finansijsko poslovanje,
- Spremačica- servirka.

Znači u Ustanovi je zaposleno 10 osoba, direktor, šest članova stručnog tima, jedan administrativni, jedan pomoćni radnik i jedna uposlenica (defektolog-oligofrenolog), koja se nalazi na porodijskom odsustvu.

U radnom odnosu na određeno vrijeme, zbog odlaska zaposlenice na porodijsko odsustvo i korištenja prava na neplaćeno odsustvo, rade dvije zaposlenice na poslovima edukatora-rehabilitatora i logopeda.

4. Korisnici usluga

Javna ustanova Centar za djecu i odrasle osobe s posebnim potrebama Zeničko-dobojskog kantona, pruža svoje usluge djeci predškolskog uzrasta koja imaju rizik od nastajanja ometenosti, jasno izraženu ometenost i djeci kojoj roditelji ili drugi ovlašteni skrbnici ne mogu pružiti odgovarajuće uslove za njihov razvoj, a stanuju na području općina Zeničko-dobojskog kantona. Pored djece kao naših korisnika, veliki uticaj u procesu rane intervencije imaju roditelji, koji predstavljaju podsticajnu sredinu od koje dijete uči. Jedan od glavnih koraka u radu jeste i rad sa roditeljima u obliku pružanja podrške i edukacije.

U izvještajnom periodu ukupno 165 djece je koristilo usluge Ustanove. Od toga je za 30 korisnika podsticaj okončan, primljeno je 60 nove djece, a mjesečno je na podsticaju bilo oko 84 djece.

Tabelarni pregled zastupljenosti korisnika po općinama:

Tešanj	Maglaj	Žepče	Zavidovići	Zenica	Kakanj	Visoko	Breza	Olovo	Vareš	Usora	Doboj Jug
	-	10	15	111	5	7	6	8	1	2	-

-											
---	--	--	--	--	--	--	--	--	--	--	--

Djeca s posebnim potrebama predškolskog uzrasta sa područja općine Tešanj koristila su usluge Dnevnog centra i Doma zdravlja Tešanj, a djeca sa područja općine Maglaj usluge Ustanove „Dnevni centar za djecu s posebnim potrebama“ Maglaj i Doma zdravlja Maglaj.

Sa područja općine Doboj Jug nije bilo korisnika.

Sljedeći tabelarni prikaz sadrži informacije o broju održanih podsticajnih jedinica po mjestima-općinama stanovanja porodica djece korisnika usluga Ustanove:

Tešanj	Maglaj	Žepče	Zavidovići	Zenica	Kakanj	Visoko	Breza	Olovo	Vareš	Usora	Doboj jug
-	-	183	212	1940	32	127	78	126	7	28	-

5. Usluge Ustanove

Ovisno o potrebama naših korisnika pruža se adekvatna intenzivna medicinsko-terapeutska, psihološka i edukacijsko-rehabilitacijska podrška kod poremećaja:

1. u vizuelnoj percepciji/vizuomotorici,
2. u kognitivnom razvoju,
3. u učenju i pamćenju,
4. u razvoju govora,
5. u području individualnog socio-emocionalnog razvoja,
6. u somatsko-agilnom području (motorika, mobilnost),
7. u tjelesnom razvoju i progresivnosti uzrastu primjerenih higijenskih uslova,
8. pri polasku u školu (u fazi prelaska iz vrtića/Ustanove u školu)

Pored usluga za djecu predškolskog uzrasta s posebnim potrebama, zaposlenici Ustanove – Odjeljenja za rano podsticanje razvoja i ranu intervenciju za djecu s posebnim potrebama, su tokom izvještajnog period za 2015. godinu pružili i sljedeće usluge:

- osnivanje, podržavanje i sprovođenje roditeljskih grupa, te individualno psihološko savjetovanje roditelja,
- po potrebi upućivanje drugim institucijama i stručnjacima,
- razmatranje sa roditeljima primjerenih mogućnosti institucionalnog zbrinjavanja njihove djece (vrtić, škola, centar za podsticaj, dom...), informisanje o istima, te praćenje u njihovoj realizaciji,
- savjetovanje saradnika vrtića, drugih centara za podsticaj i škola o razvojnim potrebama djeteta.

Sve usluge koje pružamo uvijek imaju za cilj poboljšanje sposobnosti djeteta (motoričke, kognitivne i emocionalne) i njegovu adekvatnu socijalizaciju u užu i širu zajednicu.

Usluge se pružaju ambulantno u prostorijama Ustanove u Zenici, te mobilno u Dnevnom centru u Maglaju, Dnevnom centru u Visokom, Centru za socijalni rad Olovo, u podružnici u Varešu (prostorije vrtića i Centra za socijalni rad), u podružnici u Brezi (prostorije vrtića), u podružnici u Zavidovićima (prostorije vrtića), u podružnici Žepče (prostorije vrtića i Centra za socijalni rad), u Domu porodica u Zenici i/ ili mobilno u porodičnom okruženju i/ili obdaništima, domu, kući staratelja i sl., ovisno o potrebama djeteta i njegove porodice.

U nastavku dajemo pregled vrste i broja usluga pružanih u izvještajnom periodu:

– ukupan broj održanih individualnih podsticajnih jedinica:	2759
– ukupan broj održanih grupnih podsticajnih jedinica:	434
– ukupan broj roditeljskih grupa:	2
– ukupan broj održanih savjetodavnih razgovora:	16

Broj održanih podsticajnih jedinica po mjestima održavanja:

– Ustanova Zenica (ambulantno):	2020
– Kućna posjeta-Zenica:	47
– Dom porodica Zenica:	116
– Dnevni centar Visoko:	119
– Centar za socijalni rad Olovo:	124
– Vrtić Zavidovići:	180
– Kućna posjeta-Zavidovići:	24
– Centar za socijalni rad Žepče:	31
– Vrtić Žepče:	70
– Mjesna zajednica Usora:	28

Prema navedenim podacima, udio ambulantnih i mobilnih usluga u ukupnom broju održanih podsticajnih jedinica je slijedeći:

- 2020 (73,21%) ambulantnih usluga (održanih u prostorijama Ustanove u Zenici),
- 739 (26,79%) mobilnih usluga (održanih u gore navedenim mjestima).

6. Saradnja sa drugim ustanovama i stranim partnerima

Saradnja sa ustanovama iz oblasti socijalne zaštite, zdravstvene zaštite i predškolskog odgoja, kao i s drugim organizacijama sličnih djelatnosti od značaja za daljnji razvoj Ustanove, u izvještajnom periodu je intenzivirana, proširena i efikasnije oblikovana. U cilju što bolje saradnje, Ustanova je 26.02.2015. godine, svim domovima zdravlja općina/grada Zeničko-dobojskog kantona uputila dopis sa pozivom za saradnju. U dopisu su navedene medicinske dijagnoze kod djece koje su od značaja za rad Ustanove, sa napomenom da je i svaka sumnja na poteškoću, kada dijagnoza nije postavljena, značajan faktor i razlog za preventivno uključivanje djeteta u ranu intervenciju.

Ustanova je 26.01.2015. godine svim centrima za socijalni rad i službama za socijalnu zaštitu općina Zeničko-dobojskog kantona, uputila dopis u kojem ih poziva na saradnju u cilju što efikasnijeg rada na zaštiti djece sa posebnim potrebama. Dopisu je prethodio sastanak, održan 16.01.2015. godine, sa direktorima centara za socijalni rad i predstavnicima službi za socijalnu zaštitu, općina koje nemaju formirane centre za socijalni rad.

U cilju svakodnevne saradnje sa stručnim osobljem, pripremljen je i potpisan Memorandum o saradnji, broj: 01-49-35/15 od 18.06.2015. godine, sa Javnom ustanovom „Predškolski odgoj i obrazovanje“ Zenica.

Zadržana je, već ranije, uspostavljena saradnja sa vrtićima u općinama: Breza, Vareš, Žepče i Zavidovići, a uspostavljena je dobra saradnja sa vrtićima u gradu Zenica, koji rade na osnovama privatne inicijative.

Saradnja sa vrtićima je naročito zadovoljavajuća. Veoma je značajna, jer djeca u grupi vršnjaka mogu ispoljavati određena problematična ponašanja koja ne ispoljavaju u drugim situacijama. U takvim slučajevima, vrtić ima mogućnost upućivanja roditelja na usluge Ustanove. Pored toga, Ustanova saraduje sa vrtićima u smislu pružanja smjernica i uputa za rad u grupi sa djecom koja imaju razvojne teškoće. Stručnjaci Ustanove također nude različite vidove doedukacije za odgajatelje kako bi se osposobili za prepoznavanje određenih teškoća i pravilno postavljanje prema djetetu.

Svakodnevno se odvija saradnja sa Ustanovom „Dnevni centar za djecu sa posebnim potrebama“ Maglaj i Dnevnim centrom za djecu i odrasle osobe s posebnim potrebama Visoko.

U Ustanovi su i tokom 2015. godine organizovane različite stručne posjete. Imali smo posjete i iz inostranstva, iz SR Njemnačke. Uspostavljena je stalna saradnja sa Islamskim pedagoškim fakultetom u Zenici.

7. Saradnja sa porodicama

Budući da je saradnja roditelja/porodice i stručnjaka Ustanove jedan od ključnih faktora od kojih zavisi efikasnost preduzetih podsticajnih mjera, njoj se i u izvještajnom periodu poklanjala posebna pažnja. Da bi se postigao napredak ili promjena u razvoju djeteta, potrebno je da roditelji i porodica nastave provoditi određene podsticajne mjere prema datim smjernicama i uputama za rad sa djetetom kod kuće. Iz tog razloga, često prisustvuju podsticajima. Pri dogovaranju podsticajnih mjera koje se sprovode kod kuće stručnjaci Ustanove uvijek uzimaju u obzir mogućnosti, opterećenost i granice roditelja/porodice.

U slučaju kriznih situacija unutar porodice, roditeljima se nastoji pružiti psihološka pomoć i podrška kako bi se porodično okruženje stabilizovalo, a podsticaj mogao nastaviti. Pored toga, kao oblik pomoći za roditelje Ustanova je organizovao savjetodavne razgovore i grupne sastanke na kojima su roditelji razmjenjivali iskustva, pružali jedni drugima podršku, te dobijali savjete u pogledu određene problematike koja je zajednička svim roditeljima.

U saradnji sa roditeljima djece, problemi koji su još uvijek dominirajući su materijalne i socijalne prirode, a odnose se na nedostatak finansijskih sredstava za snošenje putnih troškova, na neuslovne (nehumane) stambene prilike i na međuljudske probleme u porodičnom životu. Prevazilaženje nekih od navedenih problema nastojalo se ostvariti kroz saradnju sa nadležnim centrima za socijalni rad i kroz pružanje usluga u navedenim ispostavama Ustanove (Vareš, Breza, Visoko, Žepče Olova, Usora, Zavidovići) umjesto u samom Ustanovi u Zenici.

8. Ostale djelatnosti-drugi oblici rada - organizacija novih poslovnih jedinica

Shvatajući važnost ranog otkrivanja djece sa poteškoćama u razvoju, Vlada Zeničko-dobojskog kantona je u saradnji sa svim općinama/gradom Kantona, nevladinim sektorom, odnosno Udruženjem “Humanost-societas humanitatis” Zenica, uz stručnu i finansijsku pomoć partnera iz inozemstva, od 2006. do 2013. godine na području Zeničko-dobojskog kantona organizovala izgradnju zgrada za potrebe:

- Dnevnog centra za djecu s posebnim potrebama u Maglaju,
- Centra za rano podsticanje razvoja i ranu intervenciju za djecu sa posebnim potrebama u Zenici i
- Dnevnog centra za djecu i odrasle osobe sa posebnim potrebama u Visokom.

Na području općine Tešanj, uz finansijsku pomoć privrednika, općina Tešanj je izgradila novu zgradu za potrebe Dnevnog centra za djecu i odrasle osobe s posebnim potrebama Tešanj.

U cilju planskog pristupa integraciji svih dnevnih centara, Ustanova je 28.07.2015. godine organizovala Okrugli stol na temu „Hodogram aktivnosti u postupku integracije Dnevnih centra Visoko i Maglaj u Javnu ustanovu Centar za djecu i odrasle osobe s posebnim potrebama Zeničko-dobojskog kantona.

U toku rada Okruglog stola, radilo se na konkretizaciji poslova koje je potrebno preduzeti u cilju što uspješnije integracije Dnevnih centara Visoko i Maglaj. Na sastanku je, od strane učesnika Okruglog stola, prihvaćen pisani materijal koji je nazvan „Plan aktivnosti Javne ustanove Centar za djecu i odrasle osobe s posebnim potrebama Zeničko-dobojskog kantona. Usvojeni Plan aktivnosti služi kao putokaz u preduzimanju potrebnih radnji u postupku integracije Dnevnih centara u Javnu ustanovu.

Dana 11.05.2015. godine, potpisan je Protokol o izgradnji zgrade za potrebe Dnevnog centra za djecu i odrasle osobe u Žepču, za potrebe korisnika sa područja općina Zavidovići, Maglaj i Žepče. U skladu sa potpisanim Protokolom, u toku je izgradnja zgrade.

Upravni odbor Javne ustanove je 14.10.2015. i 17.12.2015. godine donio Prijedloge odluka o osnivanju Poslovnih jedinica Javne ustanove Centar za djecu i odrasle osobe s posebnim potrebama Zeničko-dobojskog kantona, koje će poslovati pod nazivom Dnevni centar za djecu i odrasle osobe s posebnim potrebama Visoko i Dnevni centar za djecu i odrasle osobe s posebnim potrebama Tešanj.

8.1. Projektne aktivnosti

Ustanova je od „Centra za rano podsticanje razvoja i ranu intervenciju za djecu s posebnim potrebama“, koje je radilo pri Udruženju „Humanost-societas humanitatis“ Zenica, kao donaciju, dobila je stalna sredstva i sitan inventar, odnosno didaktička pomagala za obavljanje osnovne djelatnosti.

Prateći rad istovjetnih i sličnih ustanova u savremenom svijetu i u okruženju, nameće se potreba za nabavkom novih didaktičkih pomagala, te otvaranja novih servisa usluga, koji bi djelatnost Ustanove podigli na viši nivo stručnosti.

Iz tih razloga urađeni su projekti:

- Opremanje senzorne sobe u ranoj intervenciji djece s posebnim potrebama predškolske dobi Zeničko-dobojskog kantona. Projekat je, povodom Dječije nedjelje, 29.07.2015. godine, upućen Federalnom ministarstvu rada i socijalne politike. Tražena su namjenska sredstva u iznosu od 5.000,00 KM;
- Podrška djeci predškolskog uzrasta sa govorno-jezičkim poteškoćama u općinama/gradu Zeničko-dobojskog kantona. Projekat je, povodom Dječije nedjelje, 23.07.2015. godine, dostavljen Ministarstvu za rad, socijalnu politiku i izbjeglice Zeničko-dobojskog kantona. Tražena su namjenska novčana sredstva u iznosu od 8.994,96 KM za kupovinu logopedskog kabineta;
- Uloga didaktičkog materijala u ranoj intervenciji kod djece predškolske dobi s posebnim potrebama Zeničko-dobojskog kantona. Projekat je, povodom Dječije nedjelje, 23.07.2015. godine dostavljen Ministarstvu za rad, socijalnu politiku i izbjeglice Zeničko-dobojskog kantona. Tražena su namjenska novčana sredstva u iznosu od 5.000,00 KM;

- Dopis-projekat je dostavljen Udruženju “Humanost-societas humanitatis” Zenica da u saradnji sa inozemnim partnerima iznađe novčana sredstva za dodatno opremanje senzorne sobe, kupovinu i doniranje 3 računara, jednog printera u boji i 10 USB-ova.

Od Ministarstva za rad, socijalnu politiku i izbjeglice Zeničko-dobojskog kantona, za potrebe nabavljanja logopedskog kabineta odobrena su sredstva u iznosu od 9.000,00 KM i 1.000,00 za nabavku didaktičkih pomagala.

Federalno ministarstvo rada i socijalne politike dodijelilo je novčana sredstva u iznosu od 5.000,00 KM, koja su utrošena za opremanje senzorne sobe u ranoj intervenciji djece s posebnim potrebama predškolske dobi.

U istu svrhu utrošena su i sredstva u iznosu od 11.800,00 KM, koje je Udruženje “Humanost-societas humanitatis” Zenica opredijelilo za tu svrhu.

Za kupovinu 3 računara, jednog printera u boji i 10 USB-ova, Udruženje “Humanost-societas humanitatis” Zenica, utrošilo je 2.866,00 KM.

Zahvaljujući projektnim aktivnostima, Javna ustanova Centar za djecu i odrasle osobe s posebnim potrebama Zeničko-dobojskog kantona sada raspolaže sa logopedskim kabinetom, opremljenom senzornom sobom, potrebnim didaktičkim pomagalima, novom računarskom opremom.

8.2. Organizacija rada Stručnih komisija za ocjenjivanje sposobnosti i razvrstavanje djece i mladih u fizičkom ili psihičkom razvoju

U januaru mjesecu, na sastanku sa direktorima centara za socijalni rad općina/grada Zeničko-dobojskog kantona, Ustanova je pokrenula inicijativu za preuzimanje poslova i radnih zadataka u dijelu organizacije rada i funkcionisanja Prvostepene stručne komisije za ocjenjivanje sposobnosti i razvrstavanje djece i mladih u fizičkom ili psihičkom razvoju. Sa predstavnicima Grada Zenice sačinjen je Sporazum o uređivanju odnosa o radu Prvostepene stručne komisije za ocjenjivanje i razvrstavanje djece i mladih ometenih u fizičkom ili psihičkom razvoju. Sporazum predviđa nadležnost Ustanove u organizaciji rada i funkcionisanju Prvostepene stručne komisije za ocjenjivanje sposobnosti i razvrstavanje djece i mladih u fizičkom ili psihičkom razvoju.

Zaposlenici Ustanove, članovi Stručnog tima, u prostorijama Ustanove tokom 2015. godine, vršili su organizaciju rada i funkcionisanja Prvostepene stručne komisije za ocjenjivanje sposobnosti i razvrstavanje djece i mladih u fizičkom ili psihičkom razvoju.

Očekujemo potpisivanje Sporazuma sa Gradom Zenica, čime bi pravno legalizovali vršenje navedenih poslova. Potpisani Sporazum ponudili bi i ostalim općinama kao osnov za saradnju.

Ministarstvu za rad, socijalnu politiku i izbjeglice Zeničko-dobojskog kantona, dostavljen je prijedlog da se Ustanovi dodijele poslovi Drugostepene stručne komisije za ocjenjivanje sposobnosti i razvrstavanje djece i mladih u fizičkom ili psihičkom razvoju.

9. Finansiranje Ustanove

Finansiranje Ustanove se vrši iz udruženih sredstava: Kantona, grada Zenice i općina Zeničko-dobojskog kantona.

Obaveza Kantona u finansiranju rada Ustanove utvrđuje se Budžetom Kantona, u dijelu koji se odnosi na rashode i izdatke Ministarstva za rad, socijalnu politiku i izbjeglice.

Za usluge ranog podsticaja razvoja i rane intervencije za djecu s posebnim potrebama predškolskog uzrasta Kanton je, u 2015. godini, izdvojio iznos od 158.000,00 KM i dodatnih 20.000,00 KM, na ime finansijske pomoći Ustanovi, u cilju neometanog obavljanja djelatnosti, zbog nedostatka sredstava jer određene općine nisu uplatile planirana sredstva.

Učešće svake općine/grada, za usluge ranog podsticanja razvoja i rane intervencije za djecu s posebnim potrebama predškolskog uzrasta, u finansiranju Ustanove se kalkuliše prema broju stanovnika općine/grada u odnosu na ukupan broj stanovnika Zeničko-dobojskog kantona.

U slučaju da su sve općine/grad potpisale Ugovor, te da su redovno izvršavale svoje obaveze u vezi plaćanja, tokom 2015. godine uplatile bi iznos od 64.000,00 KM.

U donjoj tabeli dat je pregled po općinama/gradu zaključno sa 31.12.2015. godine, predloženi novčani iznosi u Ugovoru, uplaćeni iznosi i iznosi koje općine/grad nisu uplatile shodno potpisanom Ugovoru:

Redni broj	Općina/ Grad	Novčani iznos učešća općina u finansiranju Ustanove u 2015.godini	Uplaćeni novčani iznos općine u 2015. godini	Novčani iznos koji općina nije uplatila
1.	2.	3.	4.	5.
1.	Breza	2.343,19	-	2.343,19
2.	Doboj-Jug	714,54	357,24	357,24
3.	Kakanj	6.914,14	6.337,78	576,36
4.	Maglaj	3.747,10	3.122,60	624,50
5.	Olovo	2.008,38	1.840,96	167,42
6.	Usora	1.115,71	1.022,67	93,04
7.	Visoko	6.420,31	-	6.420,31
8.	Zavidovići	6.069,85	4.046,56	2.023,29
9.	Zenica	20.295,05	20.295,05	-
10.	Žepče	4.963,72	4.963,72	-
11.	Tešanj	7.659,92	-	7.659,92
12.	Vareš	1.747,97	582,64	1.165,33
Ukupno:		64.000,00	42.569,13	21.430,87

Finansiranje Ustanove se vrši u skladu sa Ugovorom o načinu rada i funkcionisanja Javne ustanove Centar za djecu i odrasle osobe s posebnim potrebama Zeničko-dobojskog kantona, broj: 09-14-463-99/14.

Ugovor je potpisao ministar Ministarstva za rad, socijalnu politiku i izbjeglice Zeničko-dobojskog kantona i deset načelnika općina/grada Zeničko-dobojskog kantona i direktor Ustanove.

Ugovor nisu potpisale općine Tešanj i Visoko. Općina Breza, u izvještajnom periodu, ni za jedan mjesec nije uplatila iznos za koji se obavezala Ugovorom. Grad Zenica i općina Žepče u potpunosti su izmirile svoje obaveze, a općine Kakanj, Usora i Olovo redovno su izvršavale svoje obaveze zaključno sa novembrom mjesecom. Nisu uplatile ratu za decembar mjesec 2015. godine. Općina Maglaj je u februaru mjesecu izmirila sve obaveze iz Ugovora. Općine Zavidovići, Vareš i Doboj Jug svoje obaveze redovno nisu izvršavale, što se vidi iz gornje tabele.

Ustanova je u obavezi da redovno plaća račune za režijske troškove (grijanje, električna energija, voda, telefon, internet i dr.), te da u skladu sa potrebama nabavlja gorivo, sanitarni materijal, didaktička sredstva i dr.

U Ustanovi je bilo zaposleno 10 osoba, od kojih je 8 sa visokom stručnom spremom, a 2 sa srednjom stručnom spremom. Zaposlenici Ustanove, u radu sa djecom, poslove obavljaju ambulantno, u prostorijama zgrade, kao i u okviru mobilnog tima. Svakodnevno, članovi Stručnog tima za ranu dijagnostiku odlaze na teren u općine/grad Zeničko-dobojskog kantona, gdje u okviru porodice ili odgovarajuće ustanove pružaju terapije djeci.

Redovni mjesečni izdaci su i naknade za članove Upravnog, a u narednom periodu bit će i za članove Nadzornog odbora.

Planirana finansijska sredstva za rad Centra su nepromijenjena u odnosu na Aneks ugovora o utvrđivanju prava i obavezana implementaciji projekta „Centar za rano podsticanje razvoja i ranu intervenciju za djecu sa posebnim potrebama, broj: 02-35-18250-3/09 od 06.06.2012. godine. Aneks ugovora, pored premijera Kantona, potpisali su svi načelnici općina Zeničko-dobojskog kantona.

Sredstva namijenjena za finansiranje Centra u 2015. godini ne predviđaju plate za direktora, 1/2 plate za referenta za administrativno-finansijsko poslovanje, poslove servirke, te naknade za članove UO i NO, kao ni naknade za regres zaposlenih.

Zbog toga što Ugovor o načinu rada i funkcionisanja Ustanove nisu potpisale dvije općine Zeničko-dobojskog kantona, umanjena su finansijska sredstva za iznos od 14.080,23 KM. Umanjena su sredstva i zbog toga što jedna općina nije uplatila ni za jedan mjesec, a određeni broj općina duguju manji ili veći iznos u odnosu napreuzetu obavezu. Po tom osnovu, Ustanova je uskraćen za iznos od 7.350,64 KM.

Znači, u odnosu na finansijska sredstva planirana u Ugovoru, prihod je umanjen za 21.430,87 KM.

U postupku izrade Ugovora o načinu rada i finansiranja, menadžment Ustanove, na osnovu urađenih stvarnih potreba, predlagao je da Kanton za 2015. godinu, za finansiranje Ustanove izdvoji iznos od 226.978,56 KM.

Međutim, Ministarstvo za rad, socijalnu politiku i izbjeglice je Vladi Zeničko-dobojskog kantona predložilo Ugovor o načinu rada i finansiranja Javne ustanove Centar za djecu i odrasle osobe s posebnim potrebama Zeničko-dobojskog kantona u kojem su, za finansiranje djelatnosti Ustanove, predviđena sredstva u iznosu od 158.000,00 KM, kao učešće Kantona, uz novčana sredstva koje bi izdvojile općine/grad u iznosu od 64.000,00 KM.

Napomena, predviđeni iznosi su sredstva koja je Kanton izdvajao za finansiranje rane intervencije u 2012. godini. Poslovi su obavljani u okviru Udruženja “Humanost-societas humanitatis” Zenica.

Osnovne karakteristike finansijskog izvještaja za period januar-decembar 2015. godine su:

- Na dan 31.12.2014. godine, Ustanova je imala na raspolaganju sredstva (sredstva od osnovnog kapitala) u iznosu od: 40.201,94 KM
- Zeničko-dobojski kanton, Federalno ministarstvo rada i socijalne politike, Grad Zenica i općine Zeničko-dobojskog kantona, na dan 31.12.2015. godine, uplatile su iznos od: 220.011,26 KM
- Zeničko-dobojski kanton, Grad Zenica i općine Zeničko-dobojskog kantona, na dan 31.12.2015. godine, trebale su uplatiti iznos od: 222.000,00 KM
- U izvještajnom periodu rashodi su bili: 259.442,31 KM
- Stanje sredstava na dana 31.12.2015. godine je bilo: 11.118,36 KM
- Stanje blagajne na dan 31.12.2015. godine je bilo: 68,26 KM
- Obaveze koje nisu izmirene na dan 31.12.2015. godine iznosile su: 21.677,02 KM
- Iskazani gubitak za period januar-decembar 2015. godine je: 39.388,10 KM

Ustanova od Zavoda za zdravstveno osiguranje Zeničko-dobojskog kantona, sa 31.12.2015. godine, na ime refundacije bolovanja, potražuje 3.347,31 KM.

Zahvaljujući finansijskim sredstvima iz 2014. godine, koja su iznosila 40.201,94 KM, Ustanova je uredno izvršavao svoje obaveze.

10. Upravljanje i rukovođenje u Ustanovi

Organ upravljanja u Ustanovi je Upravni odbor. Upravni odbor Ustanove je formiran Rješenjem Vlade Zeničko-dobojskog kantona, broj: 02-34-21408/14 od 29.10.2014. godine. U toku je procedura za izbor i imenovanje novog Upravnog odbora.

Organ kontrole poslovanja u Ustanovi je Nadzorni odbor. U toku je procedura za izbor i imenovanje Nadzornog odbora.

Organ rukovođenja u Ustanovi je direktor.

Način izbora, sastav i nadležnosti Upravnog i Nadzornog odbora i direktora su određene Odlukom o osnivanju Javne ustanove Centar za djecu i odrasle osobe s posebnim potrebama Zeničko-dobojskog kantona, broj: 01-05-16268/14 od 18.08.2014. godine, Statutom Javne ustanove Centar za djecu i odrasle osobe s posebnim potrebama Zeničko-dobojskog kantona, broj: 05-1/14 od 11.12.2014. godine i Zakonom o ustanovama („Službeni list RBiH“, broj: 6/982, 8/93 i 13/94).

10. Rezime

U izvještajnom periodu, Ustanova je preuzela poslove ranog podsticanja razvoja i rane intervencije za djecu s posebnim potrebama od „Centra za rano podsticanje razvoja i ranu intervenciju za djecu sa posebnim potrebama“ u Zenici, koji je djelovao u okviru projekta Udruženja „Humanost-societas humanitatis“ Zenica.

Za vrijeme preuzimanja poslova, tokom izvještajnog perioda, nije bilo pritužbi na obavljanje djelatnosti.

Svi poslovi su obavljani stručno i na vrijeme. Nakon izvršenog preuzimanja poslova, u želji da se prate dostignuća u ovoj oblasti, Ustanova je planski krenula u otvaranje servisa koji će sa stručnog aspekta poboljšati rad Ustanove i pružiti bolju pomoć-terapiju korisnicima usluga.

U tom cilju, preduzete su mjere za nabavkom logopedskog aparata, opremanjem senzorne sobe, nabavkom didaktičkih pomagala, nabavkom računarske i druge opreme i dr.

Ustanova, kao javna ustanova, izvršila je sve potrebne pripremne radnje u cilju što brže i lakše integracije Dневnih centara Visoko, Tešanj i Maglaj.

I pored nesrazmjere u odnosu predviđenih-opredijeljenih finansijskih sredstava i dodijeljenih (preuzetih) obaveza Ustanova je redovno izvršavala i izvršava sve svoje obaveze.

Ustanova, u narednom periodu, nakon izvršene integracije svih dnevnih centara u općinama/gradu Zeničko-dobojskog kantona, će u skladu sa dostignućima savremenog svijeta, nastaviti razvijati svoju djelatnost u cilju što bolje zaštite djece i odraslih osoba s posebnim potrebama.

D I R E K T O R

mr. sc. Suno Kovačević, dipl.soc.radnik